



ԱՌԱՋՆՈՐԴԱՐԱՆ ՀԱՅՈՑ
ՀԻՄՆԻՍԱԶՅԻՆ ԱՄԵՐԻԿԱՅԻ ԱՐԵՒՄՏԵԱՆ ԹԵՄԻ
WESTERN PRELACY
OF THE ARMENIAN APOSTOLIC CHURCH OF AMERICA
H.E. ARCHBISHOP MOUSHEGH MARDIROSSIAN, PRELATE
Tel: 818-248-7737/8, Fax: 818-248-7745
E-mail: Prelacy@aol.com Website: www.westernprelacy.org



ԿԻՐԱԿՆՕՐԵԱՅ ԴՊՐՈՑՆԵՐՈՒ ԱՇԱԿԵՐՏԱԿԱՆ ՉԱՐԳԱՑՄԱՆ ՄՐՑՈՒՄ

Մանուկներու եւ պատանիներու կրօնադաստիարակչական եւ հայեցի կրթութեան նուիրուած մեր Կիրակնօրեայ Դպրոցները կը վայելեն անվերապահ հոգածութիւնն ու հովանաւորութիւնը Թեմիս բարեջան Առաջնորդ՝ Բարձրաշնորհ Տ. Մուշեղ Ա. Արք. Մարտիրոսեանի:

Այս ծիրէն ներս, նախաձեռնութեամբ Զրիստոնեական Դաստիարակութեան Գրասենեակին եւ կազմակերպութեամբ Կիրակնօրեայ Դպրոցներու Վարիչ Մարմին, կիրակնօրեայ դպրոցներու աշակերտական զարգացման մրցում տեղի ունեցաւ, նպատակ ունենալով քաջալերել եւ գնահատել Կիրակնօրեայ Դպրոցներէ ներս տարուող կրօնադաստիարակչական ծրագիրներն ու աշխատանքները: Մրցոյթ-հաւաքը տեղի ունեցաւ Շաբաթ, 19 Ապրիլ 2008-ի յետ միջօրեի ժամը 1:00-4:00, Կլետտեյլի Ս. Աստուածածին եկեղեցւոյ «Արմենակ Տեր Պետրոսեան» սրահին մէջ:

Կիրակնօրեայ Դպրոցներու տեսուչներու, ուսուցչական կազմերու առաջնորդութեամբ եւ աշակերտներու մասնակցութեամբ եկեղեցւոյ մէջ կարճ արարողութիւն տեղի ունեցաւ: Գերպ. Տ. Միւռն Ծ. Վրդ. Ազնիկեան առաջնորդեց եկեղեցական արարողութիւնը եւ մեկնաբանեց օրուան աւետարանական հատուածը (Ա. Յովհաննէսի Ընդհանրական առաջին նամակէն 1:1-7): Տերունական աղօթք «Հայր Մեր»ը եւ Կիրակնօրեայ Դպրոցներու «Մաղթերգ»ը երգելէ ետք, աշակերտներ անցնելով եկեղեցւոյ սրահ, վեց խումբերու բաժնուեցան եւ հինգ տարբեր դասակարգի մրցոյթ-հարցումներու ջանացին պատասխանել: Մրցակից խումբերը կը կրէին չորս աւետարանիչներու եւ Թադէոս ու Բարթողիմէոս առաքեալներու անունները:

Կիրակնօրեայ դպրոցներէ ներս դասաւանդուող սուրբ գրային նիւթերու աւելի քան հարիւր հարցումներու, աղօթքներու, ոսկեղէն համարներու, շարականներու եւ տօներու շուրջ կատարուած մրցումին յաղթական խումբը, ինչպէս նաեւ զարգացման մրցումին բոլոր մասնակիցներ եւ ուսուցիչներ, ստացան յատուկ նուէրներ:

Առաջնորդ Սրբազան Հօր անունով Հայր Միւռն եւ Հայր Պարթեւ շնորհաւորելէ ետք յաղթական խումբը, գնահատեցին մասնակից բոլոր աշակերտներն ու ուսուցչական կազմերը, որոնց ամիսներու տքնաջան

աշխատանքի արդիւնքը ցոյց կու տար աշակերտներու ծանօթութեանց եւ գիտելիքներու գնահատելի ու գոհացուցիչ մակարդակը:

Աշակերտական զարգացման մրցոյթը յիշատակի հաւաքական լուսանկարով վերջ գտաւ ժամը 4:30-ին, արդիւնաւոր եւ յիշատակելի օր մը պարգեւելով բոլոր մասնակիցներուն:

SUNDAY SCHOOL GATHERING AND COMPETITION AT ST. MARY'S CHURCH

On the afternoon of Saturday, April 19th, students from Prelacy Sunday Schools participated in a competition held at the "Armenag Der Bedrossian" Hall of St. Mary's Church in Glendale. The competition was held under the auspices of the Prelate and was organized by the Sunday School Directorate with the purpose of encouraging and commending the activities carried out by the Sunday Schools.

The day began with church services in which Sunday School directors, teachers, and students participated, followed by the competition inside the hall during which the students were quizzed on Biblical events, prayers, hymns, and feasts. On behalf of the Prelate, Very Rev. Fathers Muron Aznikian and Barthev Gulumian congratulated the winning team and commended all the teachers and students who devoted so much of their time and efforts to preparing for the event.

The event concluded with mementos being presented to the winning team and all the participants.